0.0.1 puggalasuttam

- 1. cattārome bhikkhave puggalā santo saṃvijjamānā lokasmim. katame cattāro?
- idha bhikkhave ekacco puggalo vivicceva kāmehi vivicca akusalehi dhammehi savitakkam savicāram vivekajam pītisukham pathamam jhānam upasampajja viharati, so tadassādeti, tannikāmeti, tena ca vittim āpajja ti. tattha thito tadadhimutto tabbahulavihārī aparihīno kālam kurumāno brahmakāvikānam devānam sahavyatam upapajjati. brahmakāyikānam bhikkhave devānam kappo āyuppamānam, tattha puthujjano yāvatāyukam thatvā yāvatakam tesam devānam āvuppamānam tam sabbam khepetvā niravampi gacchati. tiracchānayonimpi gacchati. pettivisayampi gacchati. bhagavato pana sāvako tattha yāvatāyukam thatvā yāvatakam tesam devānam āyuppamānam tam sabbam khepetvā tasmimveva bhave parinibbāvati, avam kho bhikkhave viseso, ayam adhippāyo, idam nānākaranam sutavato ariyasāvakassa assutavatā puthujjanena yadidam gatiyā upapattiyā sati.
- 3. puna ca param bhikkhave idhekacco puggalo vitakkavicārānam vūpasamā ajjhattam sampasādanam cetaso ekodibhāvam avitakkam avicāram samādhijam pītisukham dutiyam jhānam upasampajja viharati. so tadassādeti. tannikāmeti. tena ca vittim āpajjati. tattha thito tadadhimutto tabbahulavihārī aparihīno kālam kurumāno ābhassarānam devānam sahavyatam

upapajjati. ābhassarānam bhikkhave devānām dve kappā āyuppamāṇam. tattha puthujjano yāvatāyukam ṭhatvā yāvatakam tesam devānam āyuppamāṇam tam sabbam khepetvā nirayampi gacchati tiracchānayonimpi gacchati pettivisayampi gacchati. bhagavato pana sāvako tattha yāvatāyukam ṭhatvā yāvatakam tesam devānam āyuppamāṇam tam sabbam khepetvā tasmim yeva bhave parinibbāyati. ayam kho bhikkhave viseso. ayam adhippāyo. idam nānākaraṇam sutavato ariyasāvakassa assutavatā puthujjanena yadidam gatiyā upapattiyā sati.

4. puna ca param bhikkhave idhekacco puggalo pītivā ca virāgā upekkhako ca viharati sato ca sampajāno sukham ca kāyena patisamvedeti yam tam ariyā ācikkhanti upekkhako satimā sukhavihārīti tatiyam jhānam upasampajja viharati. so tadassādeti tannikāmeti tena ca vittim āpajjati. tattha thito tadadhimutto tabbahulavihārī aparihīno kālam kurumāno subhakinhānam devānam sahavyatam upapajjati. subhakiņhānam bhikkhave devānam cattāro kappā āyuppamāṇam. tattha puthujjano yāvatāyukam thatvā yāvatakam tesam devānam āyuppamānam tam sabbam khepetvā nirayampi gacchati tiracchānayonimpi gacchati pettivisayampi gacchati. bhagavato pana sāvako tattha yāvatāyukam thatvā yāvatakam tesam devānam āyuppamānam tam sabbam khepetvā tasmim yeva bhave parinibbāyati. ayam kho bhikkhave viseso, ayam adhippāyo, idam nānākaranam sutavato ariyasāvakassa assutavatā puthujjanena yadidam gatiyā upapattiyā sati.

- 5. puna ca param bhikkhave idhekacco puggalo sukhassa ca pahānā dukkhassa ca pahānā pubbeva somanassadomanassānam atthagamā adukkham asukham upekkhāsatipārisuddhim catuttham jhānam upasampajja viharati. so tadassādeti. tannikāmeti. tena ca vittim āpajjati. tattha thito tadadhimutto tabbahulavihārī aparihīno kālam kurumāno vehapphalānam devānam sahavyatam upapajjati. vehapphalānam bhikkhave devānam pañcakappasatāni āyuppamānam tattha puthujjano vāvatāvukam thatvā vāvatakam tesam devānam āyuppamānam tam sabbam khepetvā nirayampi gacchati tiracchānayonimpi gacchati pettivisayampi gacchati. bhagavato pana sāvako tattha vāvatāyukam thatvā yāvatakam tesam devānam āyuppamānam tam sabbam khepetvā tasmim yeva bhave parinibbāyati. ayam kho bhikkhave viseso, ayam adhippāyo, idam nānākaranam sutavato ariyasāvakassa assutavatā puthujjanena yadidam gatiyā upapattiyā sati.
- **6.** ime kho bhikkhave cattāro puggalā santo saṃvijjamānā lokasminti.